



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

XXXVI. Confirmatur Decretum Capituli Generalis Congregationis Italiæ &
Germaniæ Ordinis Eremitarum Sancti Augustini, Excalceatorum
nuncupatorum, super separatione & dismembratione decem Conventuum
a ...

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

ac Magnum Magistrum, & Consilium, aliaque Tribunalia quaecumque Hospitalis praedicti, iudicari & diffiniri debere; ac irritum & inane, si fecus super his a quoquam quavis auctoritate scienter vel ignoranter contigerit attentari.

§. 4. Non obstantibus praemissis, ac Constitutionibus & Ordinationibus Apostolicis; necnon dictorum Hospitalis Linguarum, & Prioratum, etiam juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, & naturis, ac ordinationibus Capitularibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis illorum tenores praesentibus pro plene & sufficienter expressis, ac de verbo ad verbum insertis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, caeterisque contrariis quibuscumque.

Datum Romae apud Sanctam Mariam Majorem sub Annulo Piscatoris, die 18. Maji 1731. Pontificatus Nostri Anno Primo.

F. Card. Oliverius.

XXXV.

Confirmatur Decretum Sac. Congregationis Episcoporum & Regularium, Procuratori Provinciae Sancti Saturnini Fratrum Minorum Sancti Francisci de Observantia, concedens Institutionem Collegii Missionariorum ejusdem Ordinis in Conventu Sanctae Luciae Oppidi Sancti Gavini Uffellen. Diocesis.

Dat. die 21. Maji 1731. Pontif. An. I.

CLEMENS PAPA XII.

Ad futuram rei memoriam.

Per Provinciam hujusce Provinciae expositulata Collegii institutionis confirmatio.

Nuper pro parte dilecti filii Bonaventurae a Mirabili, Ministri Provincialis Provinciae Sancti Saturnini in Sardinia Ordinis Fratrum Sancti Francisci de Observantia nuncupatorum, Nobis exposito, quod ipse ex unanimi rotius Diffinitorii ejusdem Provinciae consensu, Conventum Sanctae Luciae Oppidi Sancti Gavini Uffellen. Diocesis signandum decreverat, ut juxta indulta Apostolica, & normam a se. re. Innocentio Papa XI. praedecessore Nostro praescriptam, Collegium Missionariorum Fratrum dictae Provinciae inibi institueretur, magnum inde sperans animarum fructum & emolumentum; ideoque tam suo, quam commissae sibi Provinciae nomine Nobis supplicato, ut Collegium hujusmodi institutionem permittere, ac desuper beneplacitum Nostrum concedere de benignitate Apostolica dignaremur; Nos supplicem libellum, Nobis super praemissis porrectum, infra scriptae Congregationi Cardinalium remisimus; Ipsa vero Congregatio Decretum edidit tenoris, qui sequitur, videlicet: Sacra Congregatio Eminentissimorum & Reverendissimorum S. R. E. Cardinalium, negotiis & consultationibus Episcoporum & Regularium praeposita, ad quam Sanctissimus Dominus Noster supplices preces benigne remisit, attenta relatione Procuratoris Generalis, ac re undique mature discussa, referente Eminentissimo Cardinali Belluga Ponente, benigne decrevit pro gratia, servatis tamen dispositis in Brevibus Ven. Innocentii XI. super fundatione Collegiorum Missionum, & sa. me. Benedicti XIII. incipien. *Nuper pro parte &c.* die 6. Septembris 1728., & Decreto ipsius Sacrae Congregationis diei 24. Januarii 1727. Romae die 6. Aprilis 1731. I. A. Card. Davia. A. Archiepiscopus Petren. Secretarius, Loco sigilli.

Supplex Libellus S. Congregat Episc & Regul. remissus.

Congregationis Decretum.

§. 1. Cum autem, sicut dictus Bonaventura ipsius Congregationis ob justas & graves ratio-

Minister Provincialis Nobis de novo exponi fecit, ipse Decretum hujusmodi pro firmiori illius subsistentia Apostolica confirmationis Nostrae patrocinio communiri plurimum desideret, Nos ipsum Bonaventuram Ministrum Provinciale specialibus favoribus & gratis prosequi volentes, & a quibusvis excommunicationis, suspensionis, & interdicti, aliisque ecclesiasticis sententis, censuris, & poenis, a jure vel ab homine quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, Decretum praesentium auctoritate Apostolica tenore praesentium approbamus & confirmamus, illique inviolabilis Apostolicae firmitatis robur adjicimus; salva tamen semper in praemissis auctoritate memoratae Congregationis Cardinalium.

§. 2. Decernentes eadem praesentes literas semper firmas, validas, & efficaces existere & fore, suisque plenariis & integros effectus sortiri, & obtinere; ac illis, ad quos spectat, & pro tempore quoadcumque spectabit, in omnibus & per omnia plenissime suffragari, sicque in praemissis per quoscumque Judices ordinarios & delegatos, etiam Caesarum Palatii Apostolici Auditores, iudicari & diffiniri debere; ac irritum & inane, quidquid fecus super his a quoquam quavis auctoritate scienter vel ignoranter contigerit attentari.

§. 3. Non obstantibus Constitutionibus & ordinationibus Apostolicis; necnon, quatenus opus sit, Provinciae & Ordinis praedictorum, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac de verbo ad verbum insertis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, caeterisque contrariis quibuscumque.

Datum Romae apud Sanctam Mariam Majorem sub Annulo Piscatoris die 21. Maji 1731. Pontificatus Nostri Anno Primo.

F. Card. Oliverius.

Confirmatur Decretum Capituli Generalis Congregationis Italiae & Germaniae Ordinis Eremitarum Sancti Augustini, Excalceatorum nuncupatorum super separatione & dismembratione decem Conventuum a Provincia Romana, illorumque erectione in novam Provinciam Ferrariae & Piceni nuncupandam, cum omnibus privilegiis &c. ac creatione novi officii Secretarii Diffinitorii, & Capituli Generalis.

CLEMENS PAPA XII.

Ad futuram rei memoriam.

Exponi Nobis nuper fecit dilectus moderatus Procurator Generalis Congregationis Italiae & Germaniae Ordinis Fratrum Eremitarum Sancti Augustini, Discalceatorum nuncupatorum, quod in proximo praeterito Capitulo Generali in hac alma Urbe Nostra sub praesentia dilecti filii Josephi Renati S. R. E. Presbyteri Cardinalis Imperiali nuncupati, dicti Ordinis apud Nos & Sedem Apostolicam Protectoris, celebrato, a Diffinitorio Generali

Confirmatur.

Clausula.

XXXVI.

Dat. die 21. Maji 1731. Pontif. I.

Per Diffinitorium Generale decem Conventus a Provin. Rom. sejuncti:

Novaque Ferrariae & Piceni Provincia constituta.

Novaque Secret. Diffinitorii, & Capituli Generalis creatam officii.

Decret. Diffinitorii Gen.

Conventus novam Provinciam constituentes. 1

nes ad instantiam Prioris Provincialis Provinciae Romanae, ejusque Definitorii Provincialis, ab hac Provincia decem Conventus in Ducatu Ferrariensi, Piceno, & in Civitate Adriæ positi, qui cum aliis decem in Urbe prædicta, Tuscia, Umbria, & Latium respective sitis, eandem Provinciam Romanam constituebant, sejuncti & separati, & in unam novam Provinciam Congregationis hujusmodi Ferrariae & Piceni nuncupandam, quæ omnibus gratiis, facultatibus, & privilegiis, aliis Provinciis prædictæ Congregationis competentibus, frui & gaudere debeat, erecti fuerunt; & insuper in eodem Definitorio Generali decretum fuit, quod imposterum præter octo Officiales Generales memoratæ Congregationis unus novus Officialis Generalis addatur, qui sit Secretarius Definitorii, & Capituli Generalis, assumendus pro hac prima vice a dicta nova Provincia Ferrariae & Piceni, & subinde successive ab aliis Provinciis: reservato desuper in omnibus Nostro, & hujus S. Sedis beneplacito; & alias, prout plenius continetur in ipsius Definitorii Generalis decreto, tenoris qui sequitur videlicet: Ad humillimas preces Patris Provincialis, ejusque Definitorii Provinciae Romanae, petentium ex viginti Conventibus hinc inde dispersis, multumque ad invicem distantibus, quibus ad præsens integratur dicta Provincia Romana, pro feliciori ejusdem regimine, Conventuum minori dispendio, Religiosorumque quiete, aliisque urgentibus causis, disjunctis ac dismembratis decem Conventibus, sitis in Ducatu Ferrariensi, Piceno, & Civitate Adriæ, aliam institui novam Provinciam, nuncupandam Ferrariae & Piceni, separatam a dicta Provincia Romana, remanenda ex aliis decem Conventibus, nempe duobus Romanis, tribus in Tuscia, duobus in Umbria, necnon Circuli S. Gregorii, & Frusinonis: Super quibus PP. Definitorii Generalis, mature perpensis adductis rationibus, & consideratis considerandis, Ad majorem Dei gloriam decreverunt, ut infra, reservato tamen super omnibus & singulis beneplacito Apostolico, videlicet: Quod deinceps Conventus Sancti Josephi Ferrariae, SS. Augustini & Mauri Comacini, S. Joannis Bondeni, S. Laurentii Aquævivæ, S. Mariæ Misericordiarum Firmi, Sancti Angeli Custodis Asculi, S. Josephi Maceratae, S. Nicolai Laureti, S. Augustini Oppidi S. Martini, & Sancti Spiritus Adriæ sint separati, sicut de facto separant & dismembrant a decem Conventibus supra indicatis Provinciae Romanae; Et præfati decem Conventus nominatim expressi in Ducatu Ferrariensi, Piceno, & Adriæ erigantur, sicut de facto erigunt, in novam Provinciam nuncupandam Ferrariae & Piceni, dismembratam & separatam a prædicta Provincia Romana cum omnibus gratiis, privilegiis, & facultatibus, aliis respective Provinciis competentibus: & præcipue, ut regatur a suo particulari Provinciali contradistincto a Provincia Romana, eligendo postquam Sanctissimus dignabitur præfaram dismembrationem & institutionem novæ Provinciae auctoritate Apostolica approbare & confirmare, a Diffinitorio Generali una cum quatuor Definitoribus Provincialibus, septimo Vocali, & Secretario pro hac prima vice duraturis usque ad primum Capitulum Provinciale; Imposterum vero a Capitulo Provinciali, vel Definitorio Provinciali respective. Cui Provinciali pro tempore Ferrariae & Piceni, competat jus congregandi Capitulum Provinciale in aliquo Conventu suæ Provinciae, a Definitorio Provinciali deputando: necnon Definitorium Provinciale convocare: ad Capitulum Generale cum duobus discretis Generalibus; in Capitulo Provinciali electis, suffragaturus accedere: aliaque omnia peragendi, quæ aliis Provincialibus competunt. Cæterum PP. Definitorii volunt & declarant, Provinciam

Romanam licet segregatam a præfatis decem Conventibus, remanere cum suis privilegiis, juribus, & pertinentiis, sine ullo præjudicio, ac si supradicta separatio facta non fuisset. Et ut pro bono pacis & justitiæ in electione Officiorum Generalium æquitas servetur, reservato pariter beneplacito Apostolico, PP. Definitorii Generalis decernunt, ut in futurum præter octo Officiales Generales Congregationis, videlicet Vicarium Generalem, Procuratorem Generalem, quatuor Diffinitores Generales, & duos Visitatores Generales, alter Officialis Generalis novus superaddatur, qui sit Secretarius Diffinitorii, & Capituli Generalis, cum voto in Capitulo Generali, & loco præcedenti ante Secretarium Generalem, & Socium Vicarii Generalis, seu Socii Vicarii Generalis; ita tamen, ut in hac prima electione assumatur ex Provincia noviter erecta Ferrariae & Piceni, & deinceps ex aliis ad præscriptum Turni renovandi cum inclusione memoratæ novæ Provinciae: Declarantes tamen, Officiales præfatos, Priores scilicet, Superiores, & cæteros Officiales ad præsens existentes in Conventibus, sapèdictæ novæ Provinciae assignatis, usque ad primum Capitulum Provinciale post biennium celebrandum in eorum respective Officiis permanere: Tribuentes plenam facultatem prædicto Definitorio Generali annuali celebrando, cætera disponendi & stabilendi, quæ in Domino judicaverint expedire, ad quamlibet confusionem removendam, tam in assignandis Religiosis sive Sacerdotibus sive Clericis sive Conversis pro utraque Provincia sufficientibus, quam in aliis quibuscumque, quæ ad stabilimentum & quietem earumdem proficere possint; Quod totum fuit per vota secreta, nemine discrepante, approbatum: Fr. Joseph Maria a S. Paula Vic. Generalis: Fr. Eustachius a S. Martino Secretarius Generalis.

§. 1. Cum autem, sicut eadem expositio subjungebat, prædictus Procurator Generalis præmissa, quo firmius subsistant, & serventur exactius, Apostolicæ confirmationis nostræ patrocinio communitur plurimum desideret; Nos ipsius Procuratoris Generalis votis hac in re, quantum cum Domino possumus, favorabiliter annuentes, eumque specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes & absolutum fore censentes, supplicationibus ejus nomine Nobis super hoc humiliter porrectis inclinati, separationem & dismembrationem prædictorum decem Conventuum a Provincia Romana, & erectionem in novam Provinciam Ferrariae & Piceni nuncupandam, a prædicto Capitulo Generali factas, ut præfertur, expeditumque desuper illius decretum præfatum cum omnibus & singulis in eis contentis, auctoritate Apostolica tenore præsentium confirmamus & approbamus; illisque inviolabilis Apostolicæ firmitatis robur adjicimus, ac omnes & singulos juris & facti defectus, si qui desuper quomodolibet intervererint; supplementus: Præterea primo proximo Definitorio Generali, in Conventu Jesus Mariæ de eadem Urbe habendo, pro hac prima vice Priorem Provinciale novæ Provinciae Ferrariae & Piceni hujusmodi eligendi, seu præsentem Provinciale Provinciam Romanam, ejusque Secretarium Provinciale natione Ferrarienses transferendi; necnon quatuor Definitores Provinciales, & septimum vocalem Definitorii Provincialis pariter eligendi, aliasque dispositiones & ordina-

Procuratoris ejusdem expositio pro Apost. obtinenda confirmatio.

Que conceditur.

Clausula.

tionones utiles & necessarias pro stabilienda dictae novae Provinciae quiete, faciendi, plenam & amplam facultatem auctoritate & tenore praedictis concedimus & impartimur;

§. 2. Decernentes easdem praesentes litteras semper firmas, validas & efficaces existere & fore, suosque plenarios & integros effectus fortiri & obtinere; ac illis, ad quos spectat, & pro tempore quancumque spectabit, in omnibus & per omnia plenissime suffragari & ab eis respective inviolabiliter observari; sicque in praemissis per quoscumque Judices ordinarios & delegatos, etiam Caesarum Palatii Apostolici Auditores, judicari & definiti debere; ac irritum & inane, si secus super his a quocumque quavis auctoritate scienter vel ignoranter contigerit attentari.

§. 3. Non obstantibus praemissis, ac Constitutionibus & Ordinationibus Apostolicis; necnon, quatenus opus sit, Provinciae Romanae ac Congregationis & Ordinis praedictorum, etiam juramento, confirmatione Apostolica, aut quavis firmitate alia roboratis statutis, & consuetudinibus, privilegiis quoque, indultis, & litteris Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter & expresse derogamus, caeterisque contrariis quibuscumque.

Datum Romae apud S. Mariam Majorem sub annulo Piscatoris die 21. Maji 1731. Pontificatus nostri anno Primo.

F. Card. Oliverius.

XXXVII. Confirmatur quaedam Constitutio circa publicum Archivum Regiminis Bononien. cum declaratione, quod Ecclesiastici Seculares & Regulares, ac singuli totius Legationis Notarii, sub eadem comprehendantur.

Dat. die 23. Maji 1731. Pontif. I.

CLEMENS PAPA XII.

Ad futuram rei memoriam.

Alias pro parte dilectorum filiorum Viro- rum Reformatorem status libertatis Civitatis nostrae Bononien. fel. rec. Benedicto XIII. Praedecessori Nostro exposito, quod cum dudum bon. mem. Ferdinandus, dum viveret, Sanctae Romanae Ecclesiae Cardinalis de Abdua, in Civitate & Comitatu Nostris Bononien. Sedis Apostolicae tunc temporis de Latere Legatus, ad tollendos multiplices abusus, qui in publicum ejusdem Civitatis Archivum irrepserant, novam pro bona ipsius Archivi directione edidisset constitutionem, illi hac in re assentientibus exponentibus praedictis, qui, ut Constitutio hujusmodi omnes & singulas personas, Legationi Bononien. subjectas, arctius ligaret, a rec. mem. Clemente Papa XI. Praedecessore Nostro postulaverant, quatenus illam Apostolicae confirmationis praesidio roborare dignaretur; verum, quia tali confirmationi se se opposuerat Collegium Tabellionum seu Notariorum publicorum dictae Civitatis, qui sua privilegia & prerogativas exinde laedi causabantur, memoratus Clemens Praedecessor Congregationem particularem trium dilectorum etiam filiorum Romanae Curiae Praelatorum, ut eandem Constitutionem illiusque tenorem examinarent, ac jura Collegii eorumdem Tabellionum audirent, deputasset; dictique Praelati post nego-

Constit. pro bona Archivi directione a Card. de Abdua editum.

Propugnante Tabellionum Collegio.

Clemens XI. Particularis Congr. commisit examini:

Responditque Congre-

tium mature discussum censuissent, ac ipsi Clementi Praedecessori retulissent, Constitutionem praedictam approbari posse cum certis tamen declarationibus & modificationibus, quae utpote, ejusdem Constitutionis destructivae, dictis Exponentibus haud acceptae probataeque fuerant; interimque enarrati abusus magis in dies invalescerent, propterea quod praefata Constitutio minime observaretur; Veni. Fr. noster Thomas Episcopus Praenest. dictae Sanctae Romanae Ecclesiae Cardinalis Ruffus nuncupatus, dum Legati hujusmodi munere in eisdem Civitate & Comitatu Bononien. fungebatur, Constitutionem praedictam ita reformare, moderari, ac temperari studuerat, ut Collegio eorumdem Tabellionum quaecumque querendi & reclamandi occasio tolleretur, prout re ipsa praestiterat, Constitutionem praedictam subinde approbante, atque per publicum Instrumentum acceptante Collegio dictorum Tabellionum: & in eadem expositione subjuncto, quod, cessante tunc quacumque oppositione & contradictione, supra dicti Exponentes Constitutionem hujusmodi Apostolicae confirmationis robore muniri desiderabant: Ipse Benedictus Praedecessor, supplicationibus eorumdem Exponentium, sibi super hoc humiliter porrectis, inclinatus, per suas in simili forma Brevis die 26. Januarii 1729. expeditas litteras praedictam Constitutionem a praefatis Ferdinando editam, & Thoma Episcopo, Cardinalibus & Legatis, reformatam, toto ilius tenore in eisdem suis litteris inserto, auctoritate Apostolica approbavit & confirmavit, & alias, prout in dictis Benedicti Praedecessoris litteris uberius continetur.

§. 1. Cum autem, sicut iidem Viri Reformatores nobis nuper exponi fecerunt, per Clerum Saecularem & Regularem praedictae Legationis, ac Notarios Curiae Archiepiscopalis Bononien. varia postmodum circa eorum in ejusmodi Constitutione comprehensionem promota fuissent dubia; dicti vero Exponentes, ut hoc novum impedimentum, quod praefatae Constitutionis executioni objiciebatur, amoverent, denuo recursum habuerint ad eundem Benedictum Praedecessorem, a quo ipsi Congregationi particulari Praelatorum committi obtulerunt, ut citatis prius Clero ejusmodi aliiisque oppositoribus, cognoscerent: Num illi sub dicta Constitutione, Apostolica auctoritate, sicut praemittitur, confirmata, comprehenderentur, nec ne? Et quia praedicti Praelati, durante reliquo tempore Pontificatus ejusdem Benedicti Praedecessoris, in simul convenire nequirent, hujus quaestionis examen per Nos quoque remitti impetrarint dictae Congregationi Praelatorum, qui post rem accurate discussam animi sui desuper sententiam novissime protulerunt, cupiantque Exponentes praedicti Constitutionem hujusmodi, quam bono publico imprimis necessariam ac utilem arbitrantur, plenariae tandem executioni demandatum iri: Nobis propterea humiliter supplicari fecerunt, ut in praemissis opportune providere, & ut infra indulgere de benignitate Apostolica dignaremur. Nos igitur, eosdem Exponentes specialibus favoribus & gratiis prosequi volentes, & eorum singulares personas a quibusvis excommunicationibus, suspensionibus, & interdictis, aliisque Ecclesiasticis sententiis, censuris, & poenis, a jure vel ab homine quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes & absolutas fore censentes, hujusmodi supplicationibus inclinari, de memorata Congregationis particularis Praelatorum, qui partes tam verbo quam scriptis plene & diligenter audiverunt, consilio praedictam Constitutionem, ut praefertur, confirmatam,

gatio, approbari posse Constitutionem cum nonnullis modificationibus.

Eandem itaque modificatam.

Bened. XIII. confirmavit.

Orta postmodum super ejus observantia dubia.

Idem Pontifex Congregationi commisit examinanda.

Sed nondum expensa iterum SS. D. N. examini subjecit:

Declaratio, quod sub dicta Constituti-